

مدیری: ابن السری
احمد جودت



مؤسسی: ابن السری
مصطفی نامق

آشیان

أدب، علمی، أخلاقى هفتهاق مجرء، در

تاریخ تأسیسی ۱۳۲۶—۱۳۲۴

۲۸ آغستوس، ۱۳۲۴

نومرو ۱

استانبول

محل اداره سی: باب عالی جاده سنده دائرة مخصوصه

شرکت مرتبیه مطبعه سی

۱۳۲۴

بو ایشی تعقیب ایچون اولجه برقاچ کره کلوب کیتمش اولان مکتبک مبصری
اوراده آئنده معاش سندی اولدینی حالدہ بوسنده دائر اهمیتلی بر بحثه کیریشمش
کبی بر قاچ کشی ایله برابر قونوشیوردی .

در حال یاننه یاقلاشهرق :

— خسته ناصل اولدی، دیدم، کانغدی شیمدی چیقدی. آرتق مملکتته
کیدییور .

مخاطبم، معاش سندینه عائد محاوره بی کسمکه راضی اولامیهرق ایکی لاقیردی
آراسنده جان صقینتیسيله، باشندن صاوارجه سنه جواب ویردی:
— هاء دیدی، اونی بو کون کومدک .

— ۱۰ مایس، ۳۱۵ —

حسین جاھد

وطن!

اڭ مسعود و بختیار کونلرم سنک یانکده، سنک او هیچ برشیته دکیشیله مہین
رفاقت نواز شکار کده کچمشدر .

کوزلرم اڭ اول سنک اومائی ایپکلر، پنبه یالدرلر ایچنده پارلدا یان آسمان
صافکی کوردی: قولاقلم اڭ اول سنک ناز پرور نغمه جنان آھنککی ایشدی،
جسمم اڭ اول سنک ویردیکک شیر مصفا ی کرمله غدا لاندی، آياقلم اڭ اول
سنک فیضناک و نظردبا شیلر یتشدرن و کنوز خاطرات اجدادیمزی صاقلایان پاک
و مقدس طور اڭک اوزرنده یورودی....

* *

طبیعتک روح بشرله اولان معاشقه سنی اڭ اول سنک آھنک رنگین بهار کده
یولان روحم، بلبلرک، چیچکلرک، سحرلرک شفق لرکله استیناس، ایدرک، او
عالمده بولدیغی صمیمی روحلرله یوکسله یوکسله، سنده کویا جنات عالیاتی آندیره.
جق قدر بویوک بر اقلیم خیالی تماشا ایتدی. سنک دیدار جلالک ایچون زمان

اولدی که صباحلره قدر او یومادی؛ مزهر باغچه لر کده، شن وشوخ ساحلار کده، ماه آشنا دکرلر کده سنک خفایای لطیفه کی کورمک ایچون دولاشدی. اک متروک کوشه لر کده بیله ینه خوش بر سکون، فقیرانه فقط پاک و ساده بر کسوة طبیعت بولدی. سنی بعض کره شاد و خندان، بعضاً مقتور و کریان کوردی؛ عنفوان بهار کده لباس مکلفک، ازهار و طراوتسکه مسحور؛ خزان انحطاط کده پرمژده حالسک قنور بی تابیه مقتور اولدی. فقط هپسندنه سنی سودی: سن او قدر کوزلسک که، سنی دشمنلرک بیله سور...

* *

اک اول سنک مدرسه عرفان کده او قومغه، سنک یتشدیردیکک ارباب معرفتک رحله تدریسندنه دماغی تنویره باشلادی. کتابی اک ابتدا سنک ید بیضای فیض و کرمکدن آلدی: سن اوکا حقایق علمی کتابلرک، استادلرک، قلملرکله تلقین ایدرکن اوده بر کون کلوبده سنک بو کرم و عنایتسکه مقابله ولطفک شکران منتی ایضا ایده یلمک حسلیله مستغرق فخر و سرور اولور، سکا اولان عشق و محبتیه سرمست امید استقبال بر حالده سنه لرک ناصل کچدیکنی، دویمازدی! سکا، سنک بوعلو رافتسکه قارشی کفران نعمت ایدنلر، سنی حقیر و بی کانه کورنلر، سنی تکریم و تعزیزی حس ایتمه مک بختسزلغمه دوچار اولانلر... اوت! او فلا کته دوچار اولانلر قدر بیچاره عجیبا وارمیدر؟

* *

سن، اسم جلیلکی طاشیدیان بزلرک قاچ عصرلردنبری بارندیمز آباء واجداد دیمزک اوجاغی، او عصرلرک صاقلادینی خاطراتک کتابخانه مائری، نام و شانمزک کتابه نجاتی، وجود ملیمزک شاهی، جانی، روحیسک! سندن اوزاقلاشه رق غریب قالان أجساد، آب حیانتدن چیقمش بالقلر کی دوچار موت اولسه لر چوق دکلدر! یتیملریمزه بابا، او کسوزلریمزه آنا، خسته لریمزه دارشفاء، ضعفا و فقرامزه پناه و مأوا اولان سنسک. بزنسندن محروم اولورسه ق یوزیمزه کیم ناقار؟ سن نرم یگانه استناد کاهمز، مدار افتخاریمزه، مسندیکتای معنویاتمزشک...

* *

بشیکلریمز و مزارلریمز سنک آغاچ و طاشلرکدن یاسیلان ای مغرز وطن!
 کچن ادوار ضعف و غفلتدن طولای، بونجه ییللردر کمال شفقتله بسلیدیک، سقط
 قوللرک آره سنده طاشیهرق بویوتدیکک بو اولادیکه دارلمه! اولرک، سنک ایچون
 دوککلری طفلانه کوز یاشلری آرتق دیندی. اولر بویودیلر! کنج، دینج،
 کورپوز جسور ارککلر اولدیلر... شمدیدن صوکره سنک راحتک، سنک
 سعادتک یولنده بوتون وارقلری، قلبلری، وجدانلری، دماغلریله چالیشه جقلر.
 سنی اک صحیح الوجود برکنج حاله کتیره جکلر. سکا قارشى اولان بورجلری،
 شو میلیونلرجه اللره، باشلر، هپ برلکده ایفا ایچون کیجه یی کوندوزه قانه جقلر.
 دارلمه! دارلمه که سنی مادر حقیق شفتت و صیانت بیلن اولادلریکه اک بیوک تسلی
 بو اولسون. ای معزز وطن! حضور علویتکده، چوققلرینک اللرندن طوتمش،
 کمال تعظیمله طوران شو میلیونلرجه خلق، ایشته قانون حریتلریله کش، سکا
 عرض صداقت و تقدیم احترام و عبودیت ایدیورلر...

مصر: علی سعاد

آچیق مکتوب

— ارکان حربیه عمومیه رئیسی فریق عزت پاشایه —

طقوز سنه اول شامده صالحیه جاده سنده شهیدا موقعنده یان یانه ایکی کوچک
 خانهده اسکان ایتدیکنمز زمان سن قائم مقام بن ینه بر صحنه مفتشی ایدم. صباح
 آقشام هرکون برله شیر باش باشه، اوت کیمسه اولقسزین حتی اطرافیده بردفعه
 تجسس ایتدکدنصکره باش باشه نه آغلادیچی شیلر قونوشیر و نصل آغلاردق دگی؟
 بر صباح ینه، سن بیتمنز توکنمز «پاسیانس» کاغدلریله پاسیانس آچارکن
 مکالمه مز بر شهید حرمک یوز یکر می یدی بچق غروش معاشنک آلتی آیدن
 بری آله مامسندن آج بلکدهده، آه اوت بلکدهده ملوث و نامرد انسانلرک سابقه
 احتیاج ایله ملوث چاشیرلرینی یبقایهرق و بلکدهده... سن آرتق کوزلرک بو-